

esse solicitandas. Cōfederati Principes quos dixi, Smalcaldia dant literas ad Cæsarem die vicefimoquarto Decembris, siquidē ipso viuō & superstite Romanorum Rex creetur, & quidem frater germanus, ambiens atque rogās, videre ipsum, quēadmodum id planē fiat, contralegem, contra ius atque libertatem Imperii, contrāque sponzionem atque pactum, & eam qua sit reipub. deuinctus, fidem. Causas creandi Romanorū Regis has in medium adduxit Cæsar in primo cōgressu Principum Electorum, Coloniæ, Quia diuersis ipse regnis atque populis imperaret, neq; posset esse conti nenter in Germania: quia turbulentus admodum esset & periculosus orbis Christiani, precipue verò Germaniæ status, propter dissidiū religionis, propter vim atq; potētiam Turcarum, propter nuper excitatā seditionem atque bellum rusticatum: & quia per Imperium multa in officiōsē fierent ac minus obsequenter. Principes Electores à deliberatione Cæsarem orant, ne Germaniam deferat: sed in ea domicilium ac sedem sibi collocer. Quum autem in sententia persisteret, collatis consiliis, quinta Ianuarii die, Ferdinandum renūtiant Romanorum regem. Saxo, quod vnum poterat, creationem hanc esse vitiosam, explicatis causis, neq; sibi probari, per filiū disertè protestatur.

LIBER OCTAVVS.

IN superiori Smalcaldiæ cōuentu, hoc etiam inter alia placuit, quoniā aduersarii causam

M.D.

XXXI.

atque professionem Euāgelii multis calūniis
grauiarent, & paſſim in ſumnum odium addu-
cerent, ſcribendum eſſe cum primis & Galliæ
& Angliæ Regi. Itaque datæ ſunt literæ ad v-
trunque eiusdem ſentētiæ. Februario mē-
ſe Saxoniæ Princeps Elektor, ſocios omnes
conſcribit, vt ad decimū nonum Martii diem
adſint Smalcaldiæ, deliberaturi de lufcipien-
da defenſione contra vim hostilem, ſi qua for-
tē fiaſt. Superiori cōuentu placuit, Daniae Re-
gem Fridericū de foedere ſollicitandum. Et
Danus quidem amare ſe doctrinam Euāgelii
dicebat: ſed multos eſſe per ſuum regnum E-
piscopos valde potentes, tam opibus quām
clientelis & coniunctione nobilitatis, nec ſibi
integrum eſſe foedus hoc inire tanquam Re-
gem. Ad alias verò ſuas prouincias quod atti-
net, quæ ſint ditionis Imperii, non recuſare.
Priuſ quam foedus iniretur, in confilium adhi-
biti fuerunt, non iureconsulti modò, ſed theo-
logi quoque. Lutherus autem ſemper docue-
rat magistrati non eſſe refiſtendum, & exta-
bat eius hac de re libellus. Quum autem in hac
deliberatione periti iuris docerent, legibus eſ-
ſe permifſum refiſtere nonnunquam: & nunc
in eum caſum, de quo leges inter alia mentio-
nen faciant, rem eſſe deductā oſtenderent: Lu-
therus ingenuè profitetur, ſe neſciuiffe hoc
licere. Et quia leges politicas Euāgeliū non
impugnet aut aboleat, vti ſemper docuerit:

deinde quoniam hoc tēpore tam dubio tamque formidoloso multa possint accidere , sic ut non modō ius ipsum, sed conscientiæ quoque vis atque necessitas arma nobis porrigit, defensionis causa foedus iniri posse dicit, siue Cæsar ipse , siue quis alius fortè bellum eius nomine faciat . Dum Smalcaldiæ sunt, allatæ fuerunt eis literæ Cæsaris , in quibus hoc erat perscriptum , ex omnibus locis nuntiari de Turca, quemadmodum ingenti cum exercitu constituerit in Germaniam inuadere . Mandabat igitur, vt sine exceptione conferrent auxilia . Respondent, quum pacem nondum impertrarint, facilè cogitari posse, quām sit ipsis incommodum, quām non consultum, vt in hoc dubio rerum suarum statu , quum & proscriptiones & vim hostilem expectare cogantur, præsidia sibi detrahant , ac veluti neruos incidunt ipsi . Quum Vlmenses hoc ab Argentinensi Senatu flagitassent , Bucerus eò profectus , ipsorum ditionis ecclesias constituit, & religionis formulam conscribit, adiutus ab O Ecolampadio & Ambrosio Blaurero .

Sub hoc tempus in Belgium venit Maria, soror germana Cæsaris, quæ Ludouicū Hungariæ regem habuit in matrimonio . Hanc Cæsar amitæ suæ Margaritæ, quæ nuper è vita decesserat, substituit, & regionibus illis omnibus præficit . Clementi septimo lis erat cum Alfonso duce Ferrariensi, de Rhegio & Mutina

Mutina. Tandem facto compromisso Cæsarem deligunt arbitrum. Is in Belgio quum esset, per hos ferè dies pro Ferrarensi pronuntiat.

Interim Principes & ciuitatū legati Franci confertum, sicut erat constitutum, conueniunt: vbi legati exponunt non videri consultum, ut propter titulum Ferdinando Regi tribendum, litem ullam non necessariam subeant ipsi, aut periculum sibi creent. De Heluetiis in fœdus recipiēdis, quod ciuitates valde cupiebant, Saxo per legatos respondet, Quoniam de Cœna Domini diuersum sequantur dogma, non sibi licere societatem cum ipsis ullam coire. Quanti sit ipsorum coniunctio propter vires atque potentiam non se quidem latere: sed eō sibi minimè respiciendum esse, ne tristis inde sequatur exitus: quod iis accidisse Scriptura testetur, qui muniendi sui causa, cuiusque modi præfidiis vñi fuissent. Bambergensis Episcopus Wigandus, aliquot annis antē querimoniam habuerat ad socios Sueuci fœderis, de Georgio Brandenburgico, quod suum ille ius ecclesiasticū interpellaret, quod vestigalia sibi faceret deteriora, quod facultates sacras aliò conferret, quod sacerdotes ad nouum istud atque falsum doctrinæ genus cogeret, aut si non parerent, eiiceret. Quum autem post variam disceptationem eiusrei causa dies esset dictus hoc anno Norlingæ, mensa Iulio: venerunt eō rogatu Brandenburgici

*Helvetii
in fœdus
admittur*

*Wigan-
dus Bam-
berg.*

Protestantium legati. Proponit auctor, & quantum acceperit iniuriæ, quantumque damni, commemorat. Reus ea quidem parte, quæ propriè ad religionem & iurisdictionem ecclesiasticam pertinebat, interponit appellationem, & ab eorum editis atq; iudicio provocat ad Concilium. Interea Cæsar componenti dissidii religionis causa, conuentum indicit Imperii Spiræ ad Idus Decembbris. Sed vndecimo Calendas Septembbris ad Saxonem veniunt Guilielmus Nassouius, & Nuennarius Comites, magnæ propter virtutem auctoritatis viri: ac permisso Cæsaris de conciliacione agunt, & quinque omnino proponunt, de Cœna Domini, de ritibus Ecclesiarum, de bonis sacris, de auxiliis in Turcam, de Ferdinandi Regis electione. Quum sub exitum Augusti mensis Moguntini ac Palatini Principis legati Smalcaldiam venissent, Protestantium legatis exponunt de suorum Principum erga rempublicam atque patriam charitate. Quum enim infecta re sit Augusta discessum, ipsos, oncsiderata periculi magnitudine quod ex eo dissidio sit oriturum, non prius cōquieuisse, quam Cæsar ipsis intercedendi, dēque pace tractandi facultatem permitteret. Optimum ergo sibi videri, vt quæ conciliari Augustæ non potuerunt, Augustæ nunc denuo tractentur: & qui tunc fuit illius exitus, idem sit huius initium actionis. Initio Mensis Octobris Moguntino ac Palatino Principi Sa-

20 & Lantgrauius rescribunt, & actione repetita superiori, de rebus propositis nihil agi posse cum fructu sine theologis, demonstrant. Se nimurum in ea, quam sint Augustæ professi, religione permanere. Verum ne quid interea tumultuosè per Imperium fiat, orare se rursus & vehementer quidem, efficiant apud Cæsarem, vt eos qui doctrinam Euangeli vel iam profitentur, vel in posterum etiam profiteri volent, sinat utri pace, donec legitimi Cōcili decretum & auctoritas interueniat.

Diximus antea de conuentu futuro Spiræ ad Idus Septembres. Cæsar autem quum de apparatu Turcico multorum literis atque nuntiis doceretur, in mensem Ianuarium anni sequentis diem producit, & Ratisbonæ locum indicit, vt Austria tanto esset vicinior, ubi bellum futurum videbat. Quomodo bellum illud, quod ante biennium Tigurini & Bernates erant facturi Quinquepagicis, aliarum ciuitatum interuentu pacatum fuerit, libro sexto docuimus. Hoc autem anno recrudivit vulnus: & vrbes illæ duæ locis omnibus occupatis, atque claustris viarum, ne quid ad illos deueheretur alimoniae, prohibebant. Fuit hoc ad solstodium aestiuum. Et quū res ad magnum aliquem motum spectaret, Galliæ Rex, item Glareani, Friburgii, Soloturii, Appenlenses intercedunt, & pacis formulam concipiunt. Sed quū hæc frustra fierent, Tigu-

rini & Bernates euulgato scripto, quemadmodum maximis illorum & variis iniuriis coacti, commeatu ipsos intercluserint exponunt. fuit hoc Septembris die nona. Quum autem Quinquepagici maximè rerum necessiarum inopia premerentur, silentio cōductis copiis, Octobris mensis die nono signa proferunt, & opinione citius ad Tigurinorum fines perueniunt: quibus in finibus erat iam antē dispositum à Tigurinis præsidium circiter mille militum, & amplius. Et ii quidem suos monent, crebris in oppidum dimissis nuntiis, ut mox aduolent. Sed tanta fuit hostium celeritas, vt hi vix egrè subsidio venire possent. Et quum iam superassent montem, quā faciendū erat iter, laborare suos in proxima valle, & in præsenti periculo versari cōspiciunt. Ibi tum ad virtutem sese cohortati, promiscuè decurserūt de monte: cuius hæc erat natura, ut singularibus eundum esset. Ea res in causa fuit, quū vniuersi non possent in acie consistere, vt multitudo superati, plurimos è suis desiderarēt, ac terga verterent. fuit hoc vndecimo die Octobris. In cæsorum numero fuit Zuinglius. Nam Tigurinorum ita fert cōsuetudo, quum in hostem exitur, vt Ecclesiæ minister primarius vnā prodeat. Zuinglius etiā vir fortis aliqui & animosus, quū secū reputaret, quod si domi resideret, ac prælium fortè fieret aduersum, fore vt magnam ipse sustineret inuidiā, quasi

Mors Zu
inglius.

Bellū ad-
uersus Ti-
gurinos.

quasi concionibus quidem accenderet hominum animos, in ipso autem discrimine remolleceret, voluit omnino communem subire Martem. In corpus autem exanime valde saevitum fuit: & vix etiā illius morte potuit odii acerbitas exaturari. Natus erat annos quadraginta quatuor, minor Luthero quatuor annis.

Per totum ferè mensem Augustum, visus antea fuerat cometa, & illis ipsis diebus mortem obiit Galliae Regis mater Loisia, Sabaudiae ducis Caroli soror consanguinea. Cometa. Bernates, qui finitimis Vnderualdiis erat facturi bellum: vbi rescuerunt, iubent Tigurinos bono esse animo, & auxilia pollicentur, & suis omnibus cum copiis breui sese ad futuros nuntiant: & hostis vlciscendi prouinciam sibi deponscunt. Vbi demum conuenissent omnes, quod fuit octauo circiter die post factum prelium, & Bernates aliquanto remissius agerent: Tigurini, quibus auxilia miserant Basilenses, & Schafusiani, & Sangallii & Mulhusiani, deligunt aliquot signa ex omni numero. Qui de nocte profecti, quiescebāt in monte prope Mencingum, vt ad primum lunae splendorem impetu facto, propinquum oppidum Tugium ex improviso caperent. Hostes verò, qui non procul inde confederant, quum id per indicium accepissent, celeriter arreptis armis ante lucem procedunt, & illos quiescentes inuadunt Octobris die vicesima quarta, magno

sublato clamore & v lulatu , quò plus terroris
inferrent. Et quanquam superiores extiterunt
Quinquepagici multis vtrinque cadentibus,
de religionis tamen studio nihil remittebant
Tigurini . Pace demum facta per intercessio-
nem, hoc etiam fuit additum, quod nuper cum
Argentinensibus atque Lantgraui fecissent
fœdus Tigurini, Bernates, Basilienses, vt ab eo
discendant. Idem de Ferdinando faciant Quin-

Mors OE- quepagici. Sub finem Nouembris O Eco-
colāpadii. lampadius è vita decessit . Ex interitu Zuin-
gли maximum animo conceperat dolorem,
eaque res morbum etiam auxilse putatur: erat
enim coniunctissimi . Natus fuit annos qua-
draginta nouem. Extant eius in Prophetas ali-
quot lucubrationes, quæ valde probantur do-
ctis. Cæsar initio mensis Ianuarii relicto Bel-
gio Ratisbonam petebat, conuentus agendi
causa. In itinere quem Moguntiam venisset
ad Calendas Februarii, Moguntinus Archi-
episcopus & Palatinus Princeps iterum de pa-
ce intercedunt, & actionem permittente Cæ-
fare, Saxonem atque Lātgrauium monent, vt
idem faciant. Itaque missis vltrō citrōque
literis Schuinfurti , quod est ad Mœnum flu-
men oppidum , Imperii fit conuentus ad ini-
tium Aprilis. Ibi cœptum est agi de pace ad
Concilium vsque feruanda. Principes inter-
cessores ipsi aderant, & de præscripto Cæsaris
hæc illis mandata proponūt, vt preter scriptū
illud

M. D.
XXXII.

illud exhibitum Augustæ de religione, nihil
innovent, nihil doceant, nihil euulgent, & in- *Condicio-*
tra hos fines permaneant adusque Concilii *nes Prote.*
tempus. Ita tamen ut cum Zuinglianis & A-*propositæ.*
nabaptistis nihil habeant commune: ne per oc-
casione religionis alterius ditionis homines
ad se pertrahant, aut in suam tutelam recipiat:
ne quem suorum extra suæ ditionis fines do-
cere patiantur: vt ab omni temperetur contu-
melia: ne iurisdictionem, ritus atque ceremonias
ecclesiasticas interpellent: vt opem aduer-
sus Turcam ferant, & decretis obtemperent,
quaæ ad républicam & administrationem Im-
periï pertinéti: vt Cæsari ac Romanorum Re-
gi pareant: & si quod foedus contra Cæsarem,
Regem, aut diuersæ religionis ordines fece-
rint, aboleant. Hoc si faciant, sperare se fore vt
Cæsar atque Rex omnem superioris temporis
offensionem deponant. Multis vltrò citróque
verbis habitis, quum vétum esset ad extremū,
neque proprius coniungi possent, intercessores
pergendum esse tamen in actione ducebant: &
quò celerius ad Cæsarem omnia perferrentur,
Noribergæ conuentū alterū indicūt, ad tertiu
Junii diē. Ibi tandem, licet summa rei conciliari
non posset, tamen quòd irruente in Austriam
Turca, necesse erat omnes vndecunque vires
contrahere: Cæsar pacē publicā totius Germa-
niæ sancit, & ne religionis causa cuiquam vlo-
molestia creetur edicit adusque Concilii tem-
p. iii.

pus: aut si nullum fiat, tantisper donec per ordinēs Imperii alia fuerit inuenta ratio dissidium hoc sanandi. Qui contrā fecerint, iis grauem constituit poenam: & omnem operam se daturum ait, vt intra sextū mēsem Concilium denūtietur, & anno post inchoetur. Aut si hoc impetrari non possit, vt tum in Imperii comitiis de summarei tractetur. Itaque mandat vt interim actiones omnes forēses, religionis causa iam intentatæ, suspendantur, neque posthac in Protestantes vllæ moueantur. & si quid forte contrā fiet, irritum esse iubet. Protestantes inuicem, qui tum septem erant Principes, & ciuitates viginti quatuor, obsequentiam & officium illi deferunt, & auxilia pollicentur ad uérsus Turcam. Hanc pacis formulam intercessores decreuerunt Iulii die vicesima tertia: Cæsar autem Augusti mensis die secundo ratam habuit, & editio publico deinde sanxit. In Augustæ conuentu decretum etiam fuerat, vt Cameræ iudiciū reformaretur. Dele&i huius rei gratia quum Spirā venissent, leges faciunt, quæ partim ad iudices, partim ad aduocatos, partim ad litigatores pertinent. Huius emendationis formulam illi in conuentu, quem tum Cæsar Ratisbonæ agebat, exhibent. Cæsar communicato cum reliquis consilio, sibi placere illam affirmat, & paucula quædā adiicit. Hoc anno Christiernus Daniæ Rex, in decimū nunc annum exul, cōparata clāsse cogitat

Christier-
nus Da-
niæ rex.

tabat amissa recuperare. Sed captus mari, custodiæ traditus fuit: eodémque ferè tempore filius eius adolescens, quem Cæsar auunculus educabat, mortem obiit. Cæsar antea rescidérat transactionem Alberti Prussiæ ducis cum Poloniæ rege Sigismundo. Quum autem Albertus in proposito maneret, proscriptus hoc tempore fuit à Camera, solicitante Walthero Crombergo. Qua re cognita, Poloniæ Rex per legatum hoc in cōuentu docet, Prus-
Albertus
Prussia
dux pro-
scriptus.
siam esse antiquitus in fide & clientela sui re-
gni. Petit igitur proscriptionem illam aboleri
totam. Præcipua fuit in his comitiis belli Tur-
cici deliberatio. Quumque literis quotidianis
atque nuntiis adferretur Turcam premisisse
iam multas equitū copias præter Danubium,
decreta fuerunt auxilia. Itaque vicesimo se-
ptimo Iulii die finem habuit hic conuentus, &
ad bellum sese comparabant omnes. Ad I-
dus Augusti Saxonie Princeps Elector diem
supremum claudit. Ei succedit Ioannes Fride-
ricus filius. Quum solymannus Belgradum
venisset, deflectit ad lœvam, & Giuntium oppi-
dum arcémque frustra tentat, fortiter illud
propugnante Nicolao Iurixio: deinde præda-
tum emittit ad quindecim equitum milia du-
ce Casono. Is Lincium usque suprà Viennam
excurrit: & longè latéque deuastatis agris, nul-
lum immanitatis genus prætermittit. Quum
verò pedem referret, in nostros equites, qui

*Bellum
Turicum.* fuerat emissi, vt rapiinis & populationibus illum prohiberent, incidit, & diuersis locis ad internectionem propè cōcīsus, tandem & ipse occubuit. Solymannus magis ac magis ad lœuam tendens, Gratium petit oppidum Stiriae. Quo cognito Cæsar, qui tum erat Lincii, deliberat quid factō sit opus. Tan dem ea sententia vicit, vt castris omnibus ad Viennampositis hostem expectaret. Sic tan dem Solymannus nulla re memorabili gesta discedit. Galliæ Regem Cæsar de auxiliis appellauerat: verūm is respondit, vt quidem Cæsar tum referebat, Germaniam esse potentem satis, que sola Turca resistat. Angliæ Rex cunctanter etiam, neque satis apertè rescripsit. Heluetii licet à Cæsare solicitati, non se commouerūt. Quum pedem Turca retulisset, Cæsar exercitum dimittit, quod hyems iam suberat, & Viēna contendit in Italiam. Mantua quum esset decima Nouembris die, datis literis ad ordines Imperii, fratrem suum Romanorum Regē per suam absentiam ait esse gubernaturum rempublicam. Se grauibus de causis è Germania profectum esse in Italiam: & ibi cum Pontifice velle agere de Concilio, sicut Ratisbonæ decreatum sit. Pacem ergo colant omnes, quam nuper editio sanxerit, & fratri non secus ac sibi ipsi pareant. Inde Bononia profectus, cum Clemente septimo venit in colloquium, deque religione & Concilio inter alia deliberat. Fœdus etiam cum eo facit, & cum cæteris Italiae

Dynastis, aut potius renouat in sesquiannum:
verbo quidem pro tuenda Italix pace, sed reue
rane Gallis pateret aditus. Reclamabant forti
ter Galliæ regis legati: Clemens autem mone-
bat vt remissius agerent, tacitè significās non
fore diuturnum. Adduxerat enim Cæsar ma-
gnas Hispanorum copias, à quibus Italiam li-
berari Pontifex cupiebat. Itaque fœdus hoc
probabat obsecutus temporī. Cæsar pōst in M. D.
Hispaniā nauigat mense Martio: neque multò ^{Clementis simulacrum} XXXIII,
pōst legatum Pōtifex in Germaniā mittit Hu-
gonem Rangonū, Episcopum Reginū. Is vbi
demū ad Saxonē venit, comitatus legato Cæ-
sarī, Pontificē Cōcilii admodū esse cupidum
dicit. Sed quia res ipsa postulat vt de Concilii
futuri modo, dēque tēpore & loco prius deli-
beretur, habere se capita quædam à Pontifice
ſtata, que formulam eius rei completantur.
Quorū nonnulla pertineat ad modum & ordi-
nem, nimirum vt sit liberum atque commune,
& omnino tale, sicut patres habere consue-
runt. Deinde qui sunt interfuturi Concilio, vt
illi⁹ decreta se seruatuos esse spōdeant: niſi e-
nim id caueatur, fruſtra ſumi laborē omnē. De
loco videri Pontifici Placentiā aut Bononiā
fore nō incōmodam, aut certè Mantuā, quæ sit
Imperii ciuitas, & Germaniæ vicina. Poſt hunc
legatus Cæſaris verba facit, petēs vt narrationi
legati Pontificii fidē habeat, & benignè respō-
deat. Saxo deliberatione interposta respōdet,
quia Cesar atque Pontifex hyeme superiori

datis Bononia literis ad ordines Imperii, legationis & Concilii futuri spem fecerint, ideo se sociosque diem constituisse vigesimumquartum Iunii diem, quod conueniat Smalcaldiae, de re tota deliberaturi. Quapropter orare ne procrastinationem hanc molestè ferant. Quum deinde socii venissent, re deliberata, communis nomine per literas responsum fuit ultima die Iunii, In conuentibus Imperii fuisse decretum, ut vel omnium populorum, vel prouinciarum Germaniae Concilium fieret liberum atque Christianum. Ideo nimirum his verbis, ne vel illa sententia Pontificis, vel cuiusvis alterius vis atque potentia causæ præiudicaret. Deinde ne secundum leges Pontificias, & scholarum opiniones, verum iuxta sacram Scripturam, in hac tota causa iudicium fieret. Nam si cuius potentia plus valere debeat quam sacra litera, quam legitima cognitio: quis dubiter aduersus Pontificem frustra laborem omnem & actionem suscipi? Satis enim esse notum, quid ante此 aliquot Conciliis profectum sit. Etenim etsi de libero Concilio loquitur Pótitex, tamen haud dubie alio spectat, quando hoc agit, ut sibi Reges atque Principes obstringat, & ut Concilii nomine suam dominationem atque potentiam defendat, neque quis errores atque vitia reprehendat: aut si quis hoc molitur, non ferat impuné. Orant igitur ut Cæsar considerata causæ magnitudine, quæ vniuersam
temp.

temp. & omnes nationes comple&titur, det o-
peram vt legitimè res agatur: nam hoc ipsius es-
se officium, eisque licere legibus, quando vide-
licet Pontifex veritatem impugnat. Prouiden-
dū enim esse, ne sit & actor ille vel reus, & simul
iudex. Erat tum apud Ferdinandum Regem
Pontificis legatus, Petrus Paulus Vergerius. Et
quia Reginus Episcopus ætate erat prouectus
& valetudine minus firma, Clemens Vergerio
mandabat, siquidem illi quid accideret impe-
dimenti, vt ipse legationem subiret. Imprimis
verò monebat, vt in memoria semper haberet,
quæ sua sit de Concilio mens atque voluntas.
Mandatis igitur & formulæ præscriptæ dili-
genter insistat, neque latum vnguem ab ea dis-
cedat, nec in angustias ipsum atque necessita-
tem peragendi Concilii coniiciat, etiam si for-
tè Rex Ferdinandus maximè vrgeat & infret.

Clemens
Papa à Cō
cilio abhor
ret.

L I B E R N O N V S .

Quum ad hunc modum respōdissent Pro-
testantes, facto decreto placuit theologis
& iureconsultis dandum esse negotium deli-
berandi de futura Cōcilii actione. De Geor-
gio Saxoniarū principe non semel diximus, quo
modo & Lutherum priuatim, & publicè totam
ipsius doctrinam odisset. Quum autem ē suis
esse multos intelligeret, qui Cœnam domini
percipiendam esse dicent iuxta Christi man-
datum, ecclesiarum ministris iniūxit, vt iis qui